



Ridestemne:

Mange gode lokale resultat

* Premieutdeling i stemnet si største klasse, LA2 laurdag. F.v: Sunniva Bøkestad/Tommy Z på 3.-plass, Camilla Kjøsnes/Ernando på 2.-plass og Liv Jorunn Nyhagen/Pokemann på 1.-plass.

Anna W. Mork og Liv Jorunn Nyhagen var mellom dei som gjorde det ekstra godt under ridestemnet på Vollane i helga.

Ein til to gongar i året arrangerer Volda rideklubb eit stort stemne. I helga var planen å ha eit slikt, men sidan dommaren måtte melde avbod, vart arrangementet litt mindre enn dei hadde tenkt. Likevel var det 20 ekvipasjar i sving på laurdag og ni på søndag. Laurdag var det totalt 33 startar, fordi nokre ryttarar deltok i fleire klasser.

Laurdag var det dressurstemne, og søndag presisjonskjøring med hest og vogn. Først på dag søndag var det utvida klubbstemne. Her var det deltakarar frå fem andre klubbar. Sist denne dagen var det såkalla distriktsstemne.

Nyhagen med mange 1.-plassar
Deltakarane frå Volda rideklubb gjorde det godt. Liv Jorunn Nyhagen fekk to 1.-plassar med eigen hest, pluss ein 2.-plass. Så fekk ho to sigrar med lånt hest.

- Dommar Janne Hettle ville så gjerne at eg skulle kjøre hesten hennar. Eg hadde aldri prøvd den før, fortel Nyhagen.

Kjemien stemte tydelegvis.
- Korleis var det å gjere det så godt?
- Det var utruleg gøy, smiler Nyhagen.

Den 33 år gamle ryttaren frå Volda rideklubb starta å ri då ho var



* Her står hestar og kuskar klare til innsats søndag.

åtte år. Frå 2005 begynte ho med konkurransekjøring med vogn. Snart reiser ho til NM og Nordisk med hesten Pokemann.

Anna W. Mork med feilfritt løp
Ein annan ryttar som fekk svært gode resultat var 14 år gamle Anna Marie Wangen Mork, også ho frå Volda rideklubb.

Laurdag tok ho 2.-plass med 60 prosent med hesten Løkki i klassa Lett C dressur. Søndag gjekk det endå betre. Då hadde ho null feil både i Lett C og Lett B presisjonskjøring med vogn, og vann. Hesten var også her fjordingen Løkki.

Det som var ekstra spesielt, var at Anna nesten ikkje hadde øvd på presisjonskjøring før ho deltok i tevlinga. Det vil seie om lag fem gongar.

- Korleis har du det etter desse gode resultata?

- Eg er ganske glad, letta og nøgd, seier ho.

Før Anna deltek i slike konkurransar er ho veldig spent og nervøs.

- Eg er redd det skal skje ei ulykke og at eg ikkje får kontroll på hesten, fortel Anna.

Neste utfordring blir NM i fjordhest i Askim den første veka i august.

Heile familien til Anna er meir eller mindre engasjert i hestesporten. Systera hennar Randi Maud deltok på stemnet, på eit litt høgare nivå. Far hennar stod i kiosken. Mor Linn var såkalla «groom» då Anna kjørde med hest og vogn. Ho var også sekretær under arrangementet.

Takk til frivillige og sponsorar
Dommar denne gongen var Janne Hettle frå Stranda. Steward var Margunn Rygh. Stewarden si oppgåve er først og fremst å passe på hestane sitt ve og vel. Begge desse jobbane må ein ha utdanning og vere godkjend for å ha. Speaker var Oddfrid Inderhaug. Elles var det mange frivillige i sving. Leiar for



* Liv Jorunn Nyhagen frå Volda rideklubb fekk to førsteplassar med lånt hest. Her under presisjonskjøringa med vogn søndag.

Innsamlingsaksjon til nytt vant



* Anna Marie Wangen Mork (13) og hesten Løkki fekk 1.-plass i presisjonskøyring med vogn. Stolt mor Linn Mork var såkalla groom under tevlinga.



* Bendicte Inderhaug Aambø (Volda rideklubb) med hesten Dark Sunshine.



* F.v: steward Margunn Rygg, dommar Janne Hetle og speaker Oddfrid Inderhaug.

heile stemnet var Liv Jorunn Nyhaugen.

- Eg vil takke alle som stilte opp og arbeidde som frivillige, og takk til alle sponsorane som gjorde stem-

net mogleg, seier ho.

✉ INGVILD RUNDE



* Bilete frå sist turnering.

Gjennom sponsortenesta
sponsor.me har Volda Innebandy gått i gong for å få på plass eit nytt vant i hallen. Dette er ikkje berre for deira eigen skuld, fortel leiar for Volda IBK, Tomas Trogstad.

Volda Innebandy starta opp i 2012, og har i dag 50 medlemmar. Dei har fleire prosjekt på gong, blant anna VennInnebandy. Dette er eit reint jente-prosjekt for å få med fleire jenter i sporten.

Til fordol for to klubbar

I utgangspunktet kunne dei klart seg ei stund til på det gamle vantet, men no har damelaget i volleyball rykka opp.

- Dei vil ha behov for å bruke vant rundt bana når dei spelar kampar, seier Trogstad. Vantet i dag byrjar å drage på åra, og det handlar om to klubbar som brukar det, legg han til.

Volda Innebandy saman med



* Vant er det som ligg rundt bana for å hindre at ballen fer ut. (foto arkiv)

KFUM Volda håpar dei kan samle saman nok midlar i sommar til å få på plass eit nytt vant.

Spør lokalbefolkinga om hjelp

- Vi strekk oss difor ut til lokalbefolkinga og ber om hjelp, seier Trogstad.

Dei har allereie ein kjøpar klar på det gamle vantet, men

salet dekkjer ikkje ein gong ein tredjedel av kostnadane på det nye vantet, som vil koste rundt 70.000 kroner.

- Hjelp oss i vidare utvikling, og hjelp oss å hjelpe andre. Dette må vere ei flott moglegheit for det lokale næringslivet. Her får dei dobbel profilering, for prisn av ein, seier Trogstad.

✉ ANDREA E. OSVOLL

Vil ha tingretten i sentrum

Mre.no stilte førre veke spørsmålet: «Kva synest du om at Søre Sunnmøre tingrett vil flytte til den tidlegare hjelpepleieskulen?» 358 røyster kom inn, og 190 mente tingretten heller

burde funne seg eit anna, meir sentrumsnært lokale. 72 tykte ei flytting til hjelpepleieskulen ville vere flott, då tingretten får meir moderne lokale der. 71 uroa seg for at dette er starten på slut-

ten for tingretten i Volda, medan 21 syntest tingretten burde halde fram i Sorenskrivargarden. Fire brydde seg ikkje.

Gallup

Kva synest du om at Søre Sunnmøre tingrett vil flytte til den tidlegare hjelpepleieskulen?

- Det blir flott! Her får dei meir moderne lokale
- Dei burde halde fram i Sorenskrivargarden
- Dette vert starten på slutten for tingretten i Volda
- Dei burde funne eit anna, meir sentrumsnært lokale
- Bryr meg ikkje

Det er avgitt 358 stemmer.

